



**ҚАЗАҚСТАН РЕСПУБЛИКАСЫНЫҢ
ҰЛТТЫҚ БАНКІ
2014 жылғы 3 шілде
№ 49 Б А С П А С Ө З Р Е Л И З І**

***Қазақстан Республикасының
Ұлттық қорынан бөлінген
қаражаттың жұмсалуды
бақылау туралы***

2014 жылғы 24 маусымда Қазақстан Республикасының Ұлттық Банкі Орталық филиалының ғимаратында Қазақстан Республикасының Ұлттық қорынан бөлінген қаражаттың жұмсалуды бақылау жөніндегі комиссияның (бұдан әрі – Комиссия) екінші отырысы болып өтті.

Отырысқа Комиссия мүшелерінен басқа «Бәйтерек» ҰБХ» АҚ және «Даму» КДҚ» АҚ Басқармасының Төрағалары Қ.У. Бішімбаев пен Л.Е. Ибрагимова, сондай-ақ екінші деңгейдегі банктердің өкілдері қатысты. Банктер Қазақстан Республикасының Үкіметі мен Қазақстан Республикасы Ұлттық Банкінің өңдеу өнеркәсібіндегі шағын және орта кәсіпкерлік жобаларын қаржыландыруды қамтамасыз ету жөніндегі бірлескен іс-қимыл жоспарының (бұдан әрі – Бірлескен іс-қимыл жоспары) шеңберінде Қазақстан Республикасының Ұлттық қорынан бөлінген ақшаның игерілу барысы туралы хабардар етті.

Қазіргі уақытта екінші деңгейдегі банктерге аударылған ақша қаражатын нақты игеру басталды.

Атап айтқанда, «Даму» КДҚ» АҚ-тың ақпаратына сәйкес 2014 жылғы 23 маусымдағы жағдай бойынша банктер іс жүзінде 24 млрд. 787 млн. теңге сомасына 93 жобаны қаржыландырған. Олардың ішінде 14 млрд. 697 млн. теңге сомасына жаңа қарыз алушылардың 45 жобасы қаржыландырылды. 10 млрд. 90 млн. теңге сомасына 48 жоба қайта қаржыландырылды.

№	Банктің атауы	Бөлінген қаражат, млн. теңге	Іс жүзінде игеру, млн. теңге	Оның ішінде қайта қаржыландыру, млн. теңге
1	«Қазкоммерцбанк» АҚ	20 000	639	271
2	«Қазақстанның Халық Банкі» АҚ	20 000	978	666
3	«Цеснабанк» АҚ	20 000	14 150	2 432
4	«Банк ЦентрКредит» АҚ	8 000	2 373	1 536
5	«Темірбанк» АҚ	7 000	2 933	2 376
6	«АТФБанк» АҚ	7 000	567	99
7	«Сбербанк России» АҚ ЕБ	6 000	1 964	1 682
8	«Еуразиялық банк» АҚ	3 000	30	0
9	«Нұрбанк» АҚ	2 000	47	14

10	«Қазинвестбанк» АҚ	2 000	734	734
11	«AsiaCredit Bank» АҚ	2 000	157	64
12	«Bank RBK» АҚ	2 000	215	215
13	«Delta Bank» АҚ	1 000	0	0
	ЖИЫНТЫҒЫ	100 000	24 787	10 90

Қазақстан Республикасы Ұлттық қорының қаражаты есебінен қарыздарды беру талаптары туралы, сондай-ақ өтінімдерді ұсыну мен қарау тәртібі туралы ақпарат екінші деңгейдегі банктердің ресми Интернет-ресурстарында орналастырылды.

Кәсіпкерлердің өтініштері мен шағымдары келіп түскен кезде тараптардың өзара іс-қимылы тәртібін көздейтін «Даму» КДҚ» АҚ, Ұлттық кәсіпкерлер палатасы және Қазақстан қаржыгерлерінің қауымдастығы арасындағы өзара түсіністік және ынтымақтастық туралы меморандум қол қойылу сатысында.

Анықтама

Қазақстан Республикасының Ұлттық қорынан бөлінген қаражаттың жұмсалуды бақылау жөніндегі комиссия 2014 жылғы 18 сәуірде Мемлекет басшысының өкіміне сәйкес құрылды.

Көрсетілген жұмыс тобының құрамына Премьер-Министрдің орынбасары – Қаржы министрі, Бас Прокуратураның, Ұлттық қауіпсіздік комитетінің, Экономикалық қылмысқа және сыбайлас жемқорлыққа қарсы күрес агенттігінің (қаржы полициясы), Республикалық бюджеттің атқарылуын бақылау жөніндегі есеп комитетінің, ҚР Экономика және бюджеттік жоспарлау министрлігінің басшылары, ҚР Президентінің көмекшісі, Парламент Сенатының және Мәжілісінің депутаттары, сондай-ақ Ұлттық кәсіпкерлер палатасының, Қазақстан қаржыгерлері қауымдастығының және «Самұрық-Қазына» ҰӘҚ» АҚ-тың өкілдері кіреді. Жұмыс тобын Ұлттық Банк Төрағасы Қ.Н. Келімбетов басқарады.

Комиссияның негізгі міндеті Қазақстан Республикасының Ұлттық қорынан бөлінген қаражаттың мақсатқа сай, заңды және тиімді пайдаланылуын бақылауды жүзеге асыру, сондай-ақ Бірлескен іс-қимыл жоспары шеңберінде Қазақстан Республикасы Ұлттық қорының қаражаты есебінен қаржыландырылатын инфрақұрылымдық және индустриялық жобаларды іске асыру және қаржылық бөлігі аудитінің мониторингін жүргізу болып табылады.

Барынша толығырақ ақпаратты мынадай телефондар бойынша алуға болады: +7 (727) 2 704 639, E-mail: press@nationalbank.kz (www.nationalbank.kz)